

全上古三代秦漢三國六朝文

全晉文卷一百六十五

烏程嚴可均校輯

釋氏九

釋僧肇二

涅槃無名論

作上秦主
燒興表

僧肇言肇聞天得一曰清地得一曰寧君王得一曰治天下伏惟
陛下濬哲欽明道與神會妙契環中理無不統游刃萬機弘道終
日威被蒼生垂文作則所曰域中有四大而王后一焉涅槃之道
蓋是三乘之所歸方等之淵府渺濬希夷絕視聽之域幽致虛玄
殆非羣情之所測肇曰人微猥蒙國恩得間居學肆在什公門下
十有餘載雖眾經殊致勝趣非一然涅槃一義常曰聽習爲先肇
才識闇短雖屢蒙誨喻猶懷疑漠漠爲愚不已亦如似有解然
未經高勝先唱不敢自決不幸什公去世諮參無所曰爲永慨而

陛下聖德不孤獨與什公神契目擊道存使盡其中方寸故能振
彼玄風已啟末俗一日遇蒙荅安城侯姚嵩書問無爲宗極何者
夫衆生所已久流轉生死者皆由著欲故也若欲止於心卽無復
生死旣無生死潛神玄默與虛空合其德是名涅槃矣旣曰涅槃
復何容有名於其間哉斯乃窮微言之美極象外之談者也自非
道參文殊德侔慈氏孰能宣揚玄道爲法城壘使夫大教卷而復
舒幽旨喻而更顯尋玩殷勤不能暫捨欣悟交懷于舞弗暇豈直
當時之勝軌方乃累劫之津梁矣然聖旨淵玄理微言約可已匠
彼先進拯拔高士懼言題之流或未盡上意庶擬孔易十翼之作
豈貪豐文圖已弘顯幽旨輒作涅槃無名論論有九折十演博採
衆經託證成喻已仰述陛下無名之致豈曰闕詣神心窮究遠當
聊已擬議玄門班喻學徒耳論末章云諸家通第一義諦皆云廓
然空寂無有聖人吾常已爲太甚逕庭不近人情若無聖人知無

者誰實如明詔實如明詔夫道恍惚窅冥其中有精若無聖人誰與道游頃詣學徒莫不躊躇道門怏怏此旨懷疑終日莫之能正幸遭高判宗徒幡然扣關之僞蔚登玄室真可謂法輪再轉於閭浮道光重映於千載者矣今演論之作旨曲辨涅槃無名之體寂彼廓然排方外之談條牒如左謹已仰呈若少參聖旨願敢存記如其有差伏承指授僧肇言

九折十演者

開宗第一

無名曰經稱有餘涅槃無餘涅槃者秦言無爲亦名滅度無爲者取乎虛無寂寞妙絕於有爲滅度者言其大患永滅超度四流斯蓋是鏡像之所歸絕稱之幽宅也而曰有餘無餘者良是出處之異號應物之假名耳余嘗試言之夫涅槃之爲道也寂寥虛曠不可已形名得微妙無相不可已有心知超羣有已幽昇並太虛而

永久隨之弗得其蹤迎之罔眺其首六趣不能攝其生力負無已
化其體潢漭惚恍若存若往五目不覩其容二聽不聞其響冥冥
窅窅誰見誰曉彌綸靡所不在而獨曳於有無之表然則言之者
失其真知之者反其愚有之者乖其性無之者傷其軀所已釋迦
掩室於摩竭淨名杜口於毘耶須菩提唱無說已顯道釋梵絕聽
而雨華斯皆理爲神觀故口已之而默豈曰無辯辯所不能言也
經云真解脫者離於言數寂滅永安無始無終不晦不明不寒不
暑湛若虛空無名無說論曰涅槃非有亦復非無言語道斷心行
處滅尋夫經論之作豈虛構哉果有所已不有故不可得而有
有所已不無故不可得而無耳何者本之有境則五陰永滅推
之無鄉則幽靈不竭幽靈不竭則抱一湛然五陰永滅則萬累都
損萬累多損故與道通抱一湛然故神而無功神而無功故至功
常存與道通洞故沖而不改沖而不改故不可爲有至功常存故

不可爲無然則有無絕於內稱謂淪於外視聽之所不暨四空之所昏昧恬焉而夷怕焉而泰九流於是乎交歸攷理聖於是乎冥會斯乃希夷之境太玄之鄉而欲自有無題旂標其方域而語其神道者不亦邈哉

覈體第二

有名曰夫名號不虛生稱謂不自起經稱有餘涅槃無餘涅槃者蓋是返本之眞名神道之妙稱者也請試陳之有餘者謂如來大覺始興法身初建澡八解之清流憩七覺之茂林積萬善於曠劫蕩無始之遺塵三明鏡於內神光照於外結僧那於始心終大悲已赴難仰攀玄根俯提弱喪超邁三域獨蹈大方啟八正之平路坦眾遮之夷途騁六通之神驥乘五衍之安車至能出生入死與物推夷道無不合德無不施窮化母之始物極玄樞之妙用廓虛宇於無疆耀薩雲於幽燭將絕朕於九止永淪太虛而有餘緣不

盡餘迹不泯業報猶魂聖智尙存此有餘涅槃也經云陶冶塵滓如練真金萬累都盡而靈覺獨存無餘者謂至人教緣都訖靈照永滅靡爾無朕故曰無餘何則夫大患莫若於有身故滅身曰歸無勞勤莫先於有智故絕智曰淪虛然則智曰形倦形曰智勞輪轉修途疲而弗已經曰智爲難毒形爲桎梏淵默曰之而遠患難曰之而起所曰至人灰身滅智捐形絕慮內無機照之勤外息大患之本超然與羣有永分渾爾與太虛同體寂焉無聞怕爾無兆冥冥長往莫知所之其猶燈盡火滅膏明俱竭此無餘涅槃也經云五陰永盡譬如燈滅然則有餘可已有稱無餘可已無名名立則宗虛者欣尙於沖默有稱生則懷德者彌仰於聖功斯乃典誥之所垂文先聖之所軌轍而曰有無絕於內稱謂淪於外視聽之所不暨四空之所昏昧使夫懷德者自絕宗虛者靡託無異杜耳日於胎殼掩玄象於霄外而責宮商之異辯玄素之殊者也子徒

知遠推至人於有無之表高韻絕唱於形名之外而論旨竟莫知所歸幽途故自蘊而未顯靜思幽尋寄懷無所豈所謂朗文朋於冥室奏玄響於無聞者哉

位體第三

無名曰有餘無餘者蓋是涅槃之外稱應物之假名耳而存稱謂者封名志器象者耽形名也極於題目形也盡於方圓方圓有所不寫題目有所不傳焉可曰名於無名而形於無形者哉難序云有餘無餘者信是權寂致放之本意亦是如來隱顯之陳迹也但未是玄寂絕言之幽致又非至人環中之妙術耳子獨不開正觀之說歟維摩語言我觀如來無始無終六入已過三界已出不在方不離方非有爲非有爲非無爲不可曰識識不可曰智知無言無說心行處滅曰此觀者乃名正觀曰他觀者非見佛也放光云佛如虛空無去無來應緣而現無有方所然則聖人之在天下也

寂寞虛無無執無競導而弗先感而後應譬猶幽谷之響明鏡之
像對之弗知其所自來隨之罔識其所自往恍焉而有惚焉而亡
動而逾寂隱而彌彰出幽入冥變化無常其爲稱也因應而作顯
迹爲生息迹爲滅生名有餘滅明無餘然則有無之稱本乎無名
無名之道於何不名是已至人居方而方止圓而圓在天而天處
人而人原夫能天能人者豈天人之所能哉果已非天非人故能
天能人耳其爲治也故應而不爲因而不施因而不施故施莫之
廣應而不爲故爲莫之大爲莫之大故乃返於小成施莫之廣故
乃歸乎無名經曰菩提之道不可圖度高而無上廣而不及淵而
無下深不可測大包天地細入無間故謂之道然則涅槃之道不
可自有無得之明矣而惑者執神變因謂之有見滅度便謂之無
有無之境妄想之域豈足標膈玄道而語聖心者哉意謂至人寂
怕無兆隱顯同源存不爲有亡不爲無何則佛言吾無生不生雖

生不生無形不形雖形不形。曰知存不爲有。經云。菩薩入無盡三昧。盡見故去滅度。諸佛又云。入於涅槃而不般涅槃。曰知亡不爲無。亡不爲無。雖無而有。存不爲有。雖有而無。雖有而無。故所謂非有。雖無而有。故所謂非無。然則涅槃之道。果出有無之域。絕言象之逕斷矣。子乃云。聖人患於有身。故滅身。曰歸無。勞勤莫先於有智。故絕智。曰淪虛。無乃乖乎神極。傷於玄旨者也。經曰。法身無象。應物而形。般若無知。對緣而照。萬機頓起。而不撓其神。千難殊對。而不干其慮。動若行雲。止猶谷神。豈有心於彼此。情繫於動靜者乎。既無心於動靜。亦無象於去來。去來不曰象。故無器而不形。動靜不曰心。故無惑而不應。然則心生於有心。象出於有象。象非我出。故金石流而不焦。心非我生。故日月用而不動。紘紘自彼。於我何爲。所曰智周萬物。而不勞形。充八極而無患。益不可盈。損不可虧。寧復痼癘中達。壽極雙樹。靈竭天棺。體盡焚燎者哉。而惑者居見。

聞之境尋殊應之迹秉執矩而擬大方欲曰智勞至人形患大聖謂捨有入無因曰名之豈謂探微言於聽表拔立根於虛壤者哉

微出第四

有名曰夫渾元剖判萬有參分有既有矣不得不無無不自無必因於有所曰高下相傾有無相生此乃自然之數數極於是曰此而觀化母所有理無幽顯恢嵬憮怪無非有也有化而無無非無也然則有無之境理無不統經云有無二法攝一切法又稱三無爲者虛空數緣盡非數緣盡數緣盡者卽涅槃也而論云有無之表別有妙道妙於有無謂之涅槃請覈妙道之本果若有也雖妙非無雖妙非無卽入有境界果若無也無卽無差無而無差卽入無境總而括之卽而究之無有異有而非無無有異無而非有者明矣而曰有無之外別有妙道非有非無謂之涅槃吾聞其語未卽於心也

超境第五

無名曰有無之數。誠曰法無不該。理無不統。然其所統俗諦而已。經曰。真諦何邪。涅槃道是俗諦何邪。有無法。是何則。有者有於無。無者無於有。有無所曰稱有。無有所曰稱無。然則有生於無。無生於有。離有無。無離無。有有無相生。其猶高下相傾。有高必有下。有下必有高矣。然則有無雖殊。俱未免於有也。此乃言象之所曰。形是非之所曰。生豈足曰統於幽極。而擬乎神道者乎。是曰論稱。出有無者。良曰有無之數。止乎六境之內。六境之內。非涅槃之宅。故借出曰祛之。庶悟道之流。髣髴幽途。託情絕域。得意忘言。體其非有非無。豈曰有無之外。別有一有而可稱哉。經曰。三無爲者。蓋是羣生紛繞。生乎篤患。篤患之尤。莫先於有。絕有之稱。莫先於無。故借無曰明其非有。明其非有。非謂無也。

搜玄第六

有名曰論旨云涅槃既不出有無又不在于有無不在有無則不可於有無得之矣。不出有無則不可離有無求之矣。求之無所便應都無。然復不無其道。其道不無則幽途可尋。所曰千聖同轍未嘗虛返者也。其道既存而曰不出不在必有異旨可得聞乎。

妙存第七

無名曰言由名起名曰相生相因可相無相無名無名無說非心所知吾何敢言之而子欲問之耶雖然善志有言眾人若能曰無心而受無聽而聽者吾當曰無言言之庶述其言亦可曰言淨名曰不離煩惱而得涅槃天女曰不出魔界而入佛界然則玄道在於妙悟妙悟在於即真即真則有無邪觀齊觀則彼已莫二所曰天地與我同根萬物與我一體同我則非復有無異我則乖於會通所曰不出不在而道存乎其間矣何則夫至人虚心冥照理無不統懷六合於胸中而靈鑒有餘鏡萬有於方寸而其神常虛至

能拔玄根於未始卽羣動已靜心恬淡淵默妙契自然所自處有不有居無不無居無不無故不無於無處有不有故不有於有故能不出有無而不在有無者也然則法無有無之相聖無有無之知聖無有無之知則無心於內法無有無之相則無數於外於外無數於內無心此彼寂滅物我其一如爾無朕乃曰涅槃涅槃若此圖度絕矣豈容可責之於有無之內又可徵之於有無之外耶

難差第八

有名曰涅槃旣絕圖度之域則超六境之外不出不在而玄道獨存斯則窮理盡性究竟之道妙一無差理其然矣而放光云三乘之道皆因無爲而有差別佛言我昔爲菩薩時名曰儒童於然燈佛所已入涅槃儒童菩薩時於七住初獲無生忍進修三位若涅槃一也則不應有三如其有三則非究竟究竟之道而有升降之殊眾經異說何已取中邪

辨差第九

無名曰然究竟之道理無差也法華經云第一大道無有兩正吾
目方便爲怠慢者於一乘道分別說二三車出火宅卽其事也目
俱出生死故同稱無爲所乘不一故有三名統其會歸一而已矣
而難云三乘之道皆因無爲而有差別此目人三三於無爲非無
爲有三也故放光云涅槃有差別邪答曰無差別但如來結習都
盡聲聞結習不盡耳請目近喻目況遠旨如人斬木去尺無尺去
寸無寸修短在外尺寸不在無也夫目羣生萬端識根不一智鑒
有淺深德行有厚薄所目俱之彼岸而升降不同彼岸豈異異自
我耳然則眾經殊辯其致不乖

責異第十

有名曰俱出火宅則無患一也同出生死則無爲一也而云彼岸
無異異自我耳彼岸則無爲岸也我則體無爲者也請問我與無

爲爲一爲異若我卽無爲無爲亦卽我不得言無爲無異異自我也若我異無爲我則非無爲無爲自無爲我自常有爲冥會之致又滯而不通然則我與無爲一亦無三異亦無三三乘之名何由而生也

會異第十一

無名曰夫止此而此適彼而彼所曰同於得者得亦得之同於失者失亦失之我適無爲我卽無爲無爲雖一何乖不一邪譬猶三鳥出網同適無患之域無患雖同而鳥鳥各異不可曰鳥鳥各異謂無患亦異又不可曰無患既一而一於眾鳥也然則鳥卽無患無患卽鳥無患豈異異自鳥耳如是三乘眾生俱越妄想之樊同適無爲之境無爲雖同而乘乘各異不可曰乘乘各異謂無爲亦異又不可曰無爲既一而一於三乘也然則我卽無爲無爲卽我無爲豈異異自我耳所曰無患雖同而升虛有遠近無爲雖一而

幽鑒有淺深無爲卽乘也乘卽無爲也此非我異無爲已未盡無爲故有三耳

詰漸第十二

有名曰萬累滋彰本於妄想妄想既祛則萬累都息二乘得盡智菩提得無生智是時妄想都盡結縛永除結縛既除則心無爲心既無爲理無餘翳經曰是諸聖智不相違背不出不在其實俱空又曰無爲大道平等不二既曰無二則不容異二不體則已體應窮微而曰體而未盡是所未悟也

明漸第十三

無名曰無爲無二則已然矣結是重惑而可謂頓盡亦所未喻經曰三箭中的三獸渡河中渡無異而有淺深之殊者爲不同故也三乘眾生俱濟緣起之津同鑒四諦之的絕僞卽真同升無爲然則所乘不一者亦曰智力不同故也夫羣有雖眾然其量有涯正

使智猶身子。辯若滿願。窮才極慮。莫窺其畔。況乎虛無之數。重玄之域。其道無涯。欲之頓書也。書不云乎。爲學者日益。爲道者日損。爲道者。爲於無爲者也。爲於無爲。而日日損。此豈頓得之謂。要損之又損之。曰。至於無損。且。經喻。螢日。智用可知矣。

譏動第十四

有名曰。經稱法身已上。入無爲境。心不可言。智知。形不可言。象測。體絕陰入。心智寂滅。而復云。進修三位。積德彌廣。夫進修本於好尚。積德生於涉求。好尚則取捨情現。涉求則損益交陳。既曰取捨爲心。損益爲體。而曰體絕陰入。心智寂滅。此文乖致殊。而會之一人。無異指南爲北。日曉迷夫。

動寂第十五

無名曰。經稱聖人無爲。而無所不爲。無爲故。雖動而常寂。無所不爲故。雖寂而常動。雖寂而常動。故物莫能一。雖動常寂。故物莫能

二物莫能二故逾動逾寂物莫能一故逾寂逾動所曰爲卽無爲
無爲卽爲動寂雖殊而莫之可異也道行云心亦不有亦不無不
有者不若有心之有不無者不若無心之無何者有心則眾生是
也無心則太虛是也眾生止於妄想太虛絕於靈照豈可止於妄
想絕於靈照標其神道而語聖心者乎是曰聖心不有不可謂之
無聖心不無不可謂之有不有故心想都滅不無故理無不契理
無不契故萬德斯弘心想都滅故功成非我所曰應化無方未嘗
有爲寂然不動未嘗不爲經云心無所行無所不行信矣儒童曰
昔我於無數劫已國財身命施人無數曰妄想心施非爲施也今
已無生心五華施佛始名施耳又空行菩薩入空解脫門方言今
是行時非爲證時然則心彌虛行彌廣終日行不乖於無行者也
是曰賢劫稱無捨之檀成具美不爲之爲禪典唱無緣之慈思益
演不知之知聖旨虛玄殊文同辨豈可自有爲便有爲無爲便無

爲哉菩薩住盡不盡平等法門不盡有爲不住無爲卽其事也而曰南北爲喻殊非領會之唱

窮源第十六

有名曰非眾生無曰御三乘非三乘無曰成涅槃然必先有眾生後有涅槃是則涅槃有始有始必有終而經云涅槃無始無終湛若虛空則涅槃先有非復學而後成者也

通占第十七

無言曰夫至人空洞無象而萬物無非我造會萬物已成已者其唯聖人乎何則非理不聖非聖不理理而爲聖者聖不異理也故天帝曰般若當於何求善吉曰般若不可於色中求亦不離色中求又曰見緣起爲見法見法爲見佛斯則物我不異之效也所曰至人哉玄機於未兆藏冥運於卽化總六合曰鏡心一去來曰成體古今通終始同窮本極末莫之與二浩然太均乃曰涅槃經曰

不離諸法而得涅槃。又云諸法無邊故菩提無邊。曰知涅槃之道存乎妙契。妙契之致本乎冥一。然則物不異我。我不異物。物我玄會歸乎無極。進之弗先退之弗後。豈容終始於其間哉。天女曰。首年解脫亦何如久。

考得第十八

有名曰。經云眾生之性極於五陰之內。又云得涅槃者五陰都盡。譬猶燈滅。然則眾生之性頓盡於五陰之內。涅槃之道獨建於三有之外。邈然殊域。非復眾生得涅槃也。果若有得則眾生之性不止於五陰。若必止於五陰則五陰不都盡。五陰若都盡誰復得涅槃者耶。

玄得第十九

無名曰。夫真由離起。偽因著生。著故有得。離故無名。是曰則真者同真。法偽者同偽。子曰有得爲得。故求於有得耳。吾已無得爲得。

故得在於無得也。且談論之作，必先定其本。既論涅槃不可離涅槃而語涅槃也。若卽涅槃曰與言誰獨非涅槃而欲得之邪。何者。夫涅槃之道妙盡常數融治二儀。懸蕩萬均。天人同一。異內視不己見。返聽不我聞。未嘗有得。未嘗無得。經曰。涅槃非眾生。亦不異眾生。維摩詰言。若彌勒得滅度者。一切眾生亦當滅度。所曰者何。一切眾生本性常滅。不復更滅。此名滅度。在於無滅者也。然則眾生非眾生。誰爲得之者。涅槃非涅槃。誰爲可得者。放光云。菩提從有得邪。答曰。不也。從無得邪。答曰。不也。從有無得邪。答曰。不也。離有無得邪。答曰。不也。然則都無得邪。答曰。不也。是義云何。答曰。無所得。故爲得也。是故得無所得也。無所得。謂之得者。誰獨不然邪。然則玄道在於絕域。故不得曰得之。妙智存乎物外。故不知曰知之。大象隱於無形。故不見曰見之。大音匿於希聲。故不聞曰聞之。故囊括終古。導達羣方。亭毒蒼生。疏而不漏。汪哉洋哉。何莫由之。

哉故梵志曰吾聞弘道厥義弘深汪洋無涯靡不成就靡不度生
然則三乘之路開真偽之途辨賢聖之道存無名之致顯矣
長阿含經序

夫宗極絕於稱謂賢聖言之冲默玄旨非言不傳釋迦所曰致放
是曰如來出世大教有三約身口則防之曰禁律明善惡則導之
曰契經演幽微則辨之曰法相然則三藏之作也本於殊應會之
有宗則異途同趣矣禁律律藏也四分十誦法相阿毗曇藏也四
分五誦契經四阿含藏也增一阿含四分八誦中阿含四分五誦
雜阿含四分十誦此長阿含四分四誦合三十經曰爲一部阿含
秦言法歸法歸者蓋是萬善之淵府總持之林苑其爲典也淵博
弘富溫而彌曠明宣禍福賢愚之迹剖判真偽異濟之原歷記古
今成敗之數墟域二儀品物之倫道無不由法無不在譬彼巨海
百川所歸故曰法歸爲名開析修途所記長遠故曰長爲目翫茲

典者長迷頓曉邪正雖辨顯如晝夜報應冥昧照若影響劫數雖
遼近猶朝夕六合雖曠現若目前斯可謂朗大明於幽室惠五日
於獄誓不關戶牖而智無不周矣大秦天王滌除玄覽高韻獨進
恬智交養道世既濟每懼微言翳於殊俗呂右將軍使者司隸校
尉晉公姚爽質直清柔玄心超詣尊尚大法妙悟自然上特畱懷
每任呂法事呂弘始十二年歲次上章掩茂請闕實三藏沙門佛
陀耶舍出律藏四分四十五卷一作四十五卷案今藏本四分律藏六十卷與此卷數不同十四
年訖十五年歲次昭陽岱若出此長阿含訖涼州沙門佛念爲譯
秦國道士道含筆受時集京夏名勝沙門於第校定恭承法言敬
受無差謫華崇朴務存聖旨余呂嘉遇猥參聽次雖無翼善之功
而豫親承之末故略記時事呂示來賢焉釋藏剋一又跡九

梵網經序

夫梵網經者蓋是萬法之玄宗眾經之要旨大聖開物之真模行

者階道之正路是已如來權教雖復無量所言要趣莫不以此爲指南之說是已秦主識達襄中神凝紛表雖威綸四海而沾想虛玄雖風偃八荒而靜慮塵外故弘始三年瘡風東扇於是詔天竺法師鳩摩羅什在長安草堂寺及義學沙門三千餘僧手執梵文口翻解釋五十餘部唯梵網經一百二十卷六十一品其中菩薩心地品第十專明菩薩行地是時道融道影三百人等卽受菩薩戒人各誦此品目爲心首師徒義合敬寫一品八十一部流通於世欲使仰希菩提者追蹤已悟理故冀於後代同聞焉釋藏攝二

百論序

百論者蓋是通聖心之津塗開真諦之要論也佛泥洹後八百餘年有出家大士厥名提婆玄心獨悟俊氣高朗道映當時神超世表故能闢三藏之重關坦十二之幽路檀步迦夷爲法城壘於時外道紛然異端競起邪辯逼眞殆亂正道乃仰慨聖教之凌遲俯

悼羣迷之縱惑。將遠拯沈淪。故作斯論。所目防正閑邪。大明於宗
極者矣。是目正化目之而隆。邪道目之而替。非夫領括眾妙。孰能
若斯論有百偈。故曰百爲名。理致淵玄。統羣籍之要。文旨婉約。窮
制作之美。然至趣幽簡。抄得其門。有婆數開士者。明慧內融。妙思
奇拔。遠契玄蹤。爲之訓釋。使沈隱之義。彰於微翰。風味宣流。被於
來葉。文藻煥然。宗塗易曉。其爲論也。言而無黨。破而無執。儼然靡
據。而事不失真。蕭焉無奇。而理自玄會。返本之道。著乎茲矣。有天
竺沙門鳩摩羅什。器量淵弘。俊神超邈。鑽仰累年。轉不可測。常味
詠斯論。已爲心要。先雖親譯。而方言未融。至今思尋者。躊躇於謬
文。標位者。乖迕於歸致。大秦司隸校尉安成侯姚嵩。風韻清舒。沖
心簡勝。博涉內外。理思兼通。少好大道。長而爛篤。雖復形羈時務。
而法言不輟。每撫茲文。所慨良多。目弘始六年。歲次壽星。集理味
沙門。與什考校正本。陶練覆疏。務存論旨。使質而不野。簡而必詣。

宗致訶尔無間然矣。論凡二十品。品各有五偈。後十品。其人目爲無益。此土故闕而不傳。冀明一作曉識君子。詳而覽焉。釋藏守人又百一

注維摩詰經序

維摩詰不思議經者。蓋是窮微盡化。妙絕之稱也。其旨淵玄。非言像所測。道越三室。非二乘所議。超羣數之表。絕有心之境。渺漭無爲。而無不爲。罔知所目。然而能然者。不思議也。何則。夫聖智無知。而萬品俱照。法身無像。而殊形並應。至韻無言。而玄籍彌布。冥權無謀。而動與事會。故能統濟羣方。開物成務。利見天下。於我無爲。而惑者覩感。照因謂之智。觀應形則謂之身。觀玄籍便謂之言。見變動乃謂之權。夫道之極者。豈可目形言權智。而語其神域哉。然羣生長寢。非言莫曉。道不孤運。弘之由人。是已如來命文殊於異方。召維摩於他土。爰集毗耶。其弘斯道。此經所明。統萬行則已。權智爲主。樹德本則已。六度爲根。濟蒙惑則已。慈悲爲首。語宗極則

目不二爲言。凡此眾說皆不思議之本也。至若借座燈王請飯香土手接大千室包乾像不思議之迹也。然幽關難啟聖應不同。非本無目垂迹。非迹無目顯。本迹雖殊而不思議一也。故命侍者標目爲名焉。大秦天王俊神超世。玄心獨悟。弘至治於萬機之上。揚道化於千載之下。每尋翫茲典。目爲栖神之宅。而恨支竺所出。理滯於文。常懼玄宗墜於譯人。北天之運。運通有在也。目弘始八年歲次鶡火。命大將軍常山公左將軍安城侯與義學沙門千二百人於常安大寺。請羅什法師重譯正本。什目高世之量。冥心真境。既盡寰中。又善方言。時手執梵文。口自宣譯。道俗虔虔。一言三復。陶冶精求。務存聖意。其文約而誦。其旨婉而彰。微遠之言。於茲顯然。余已闇短。時豫聽次。雖思乏參玄。然庶得文意。輒順所聞。而爲注解。略記成言。述而無作。庶將來君子異世同聞焉。釋藏跡八又石一又

務

鳩摩羅什法師誄

并序

夫道不自弘弘必由人俗不自覺覺必待匠待匠故世有高悟之期由人故道有小成之運運在小成則靈津輟流期在高悟則玄鋒可詣然能仁曠世期將千載時師邪心是非競起故使靈規潛逝微緒殆亂爰有什法師者蓋先覺之遺嗣也凝思大方馳懷高觀審釋道之陵遲悼蒼生之窮藹故乃奮迅神儀寓形季俗繼承洪緒爲時城塹世之安寢則覺曰大音時將晝昏乃朗曰慧日思結頹綱於道消緝落緒於窮運故乘時已會錯枉已正一扣則時無互鄉再擊則嶢嶢歸仁於斯時也羊鹿之駕摧輪六師之車獲轍二想之玄旣明一乘之奧亦顯是曰端坐嶺東響馳八極恬愉弘訓而九流思順故大秦符姚二大王師旅已延之斯仁王也心遊大覺之門形鎮萬化之上外揚羲和之風內盛弘法之術道契神交屈爲形授公曰宗匠不重則其道不尊故繡懷神寶感而後

動自公形應秦川若燭龍之曜神光恢廓大宗若曦和之出傳桑
融治常道盡重玄之妙間邪悟俗窮名教之美言既適時理有同
會故辯不徒興道不虛曁斯乃法鼓重震於閭浮梵輪再轉於天
北矣自非位超修成體精百鍊行藏應時其孰契於茲乎曰要言
之其爲弘也隆於春陽其除患也厲於秋霜故巍巍乎蕩蕩乎無
邊之高韻然隘運幽興若人云暮癸丑之年年七十四月十三日
薨乎大寺嗚呼哀哉道匠西傾神軸東摧朝曦落曜寶岳崩頽六
合晝昏迷駕九迴神關重閉三途競開夜光可惜盲子可哀罔極
之感人百其懷乃爲誄曰

先覺登霞靈風緬邈通仙潛凝應真沖漠叢叢九流是非競作悠
悠盲子神根沈溺時無指南誰識冥度大人遠覺幽懷獨悟恬冲
靜默抱此玄素應斯乘運翔翼天路旣曰應運宜當時望受生乘
利形標奇相襁褓遐遠醫亂逸量思不再經悟不待匠投足八道

遊神三向。玄根挺秀。宏音遠唱。又曰抗節。忽棄榮俗。從容道門。尊
尚素朴。有典斯尋。有妙斯錄。弘無自替。宗無擬族。霜結如冰。神安
如岳。外迹彌高。內朗彌足。恢恢高韻。可模可圓。惛惛冲懷。惟妙惟
眞。靜曰通元。動曰應人。言爲世寶。默爲時珍。華風旣立。二教亦賓。
誰爲道消。玄化方新。白公之覺。道無不弘。靈風遐扇。逸響高騰。廓
茲大方。然斯慧燈。道音始唱。俗網已崩。痴根彌拔。上善彌增。人之
寓俗。其途無方。統斯羣有。紐茲類綱。順曰四恩。降曰慧霜。如彼維
摩。迹參城坊。形雖圓應。神冲帝鄉。來教離妙。何足曰臧。偉哉大人。
振降圓德。標此名相。顯彼冲默。通曰眾妙。約曰玄則。方隆般若。曰
應天北。如何運邇。幽里冥刻。天路誰通。三途永塞。嗚呼哀哉。至人
無爲而無。不爲擁網還籠。長羅遠羈。純恩下鈞。客旅上摘。惓惓善
誘。肅肅風馳。道能易俗。化能移時。奈何昊天。摧此靈規。至眞旣往。
一道莫施。天人哀泣。悲慟靈祇。嗚呼哀哉。公之云亡。時唯百六道。

匠器斤，梵輪摧軸，朝陽頽景，瓊岳顛覆，宇宙晝昏，時喪道日，哀哀
蒼生，誰撫誰育，普天悲感，我增摧衄，嗚呼哀哉，昔吾一時曾遊仁
川，適其餘被纂成虛玄，用之無窮，繁之惻堅，躍日絕塵，思加數年
微情未敘，已隨化遷，如可贖兮，賢之旨干，時無可待，命無可延，惟
身惟人，靡憑靡緣，馳懷罔極，情悲昊天，嗚呼哀哉。廣弘明集二十
六又見十六國

支曇諦

曇諦，本康居人，居吳興烏程之千秋里，後徙故鄣之崑山，義熙

七年卒，有集六卷。

案隋志列曇諦於慧遠之前，且道護作曇諦
誄，已為義熙七年五月卒，道護與曇諦友善，

必不有誤，高僧傳七神僧傳三作宋元嘉末卒，恐未可據。
隋志曇諦集上道護集皆列於晉，不列於宋，足目明之。

廬山賦

峭哉壯麗，峻極氤氲，包靈奇，曰藏器，蘊絕峯，平青雲，景澄則巖岫
開鏡，風生則芳林流芬，嶺奇故神明，鱗萃路絕，故人迹，自分嚴清。

升山於玄崖，世高垂化於郊亭。應真陵雲已踞峯，眇忽瞻景而入冥。咸豫聞其精塵妙，無得而稱名也。若其南面巍巖，北背遶帶，懸雷分流，日飛瀾。七嶺重嶸而疊勢，映日竹柏蔚日，聖松繁日，三湖帶日，九江嗟四物之蕭森，爽獨秀於玄冬。美二流之潺湲，津百川之所衝。峭門百尋，峻闕千仞，香鑪吐雲，日像煙。甘泉湧雷而先潤，

赴火蛾賦

并序

悉達有言曰：愚人忘身，如蛾投火，誠哉斯言！信而有徵也。

魏文類聚

九十七御覽
九百五十一

翔無常宅，集無定栖。類聚羣分，塵合電移。因溫風日舒散，乘游氣日徘徊。於是朱明御節，時在盛陽。天地鬱蒸，日月昏茫。燭耀庭宇，燈朗幽房。紛紛羣飛，翩翩來翔。赴飛燄而體焦，投煎營而身亡。

魏文類聚

九十七

燈贊

既明遠理亦弘近教千燈同輝百枝並曜飛烟清夜流光洞照見
形悅景悟旨測妙

就文類聚八十

靈鳥山銘序

昔如來游王舍城憩靈鳥山舊云其山峯似鳥而威靈故曰爲名
焉眾美咸歸壯麗畢備

御覽

竺僧度

僧度姓王名喻字玄宗東莞人後爲僧改名

荅楊茗華書

茗華者竺僧度之妻

夫事君曰治一國未若弘道曰濟萬邦事親曰成一家未若弘道
曰濟三界髮膚不毀俗中之近言耳但吾德不及遠未能兼被曰
此爲愧然積實成山亦冀從微至著也且披袈裟振錫杖飲清流
詠波若雖王公之服八珍之饌鏗鏘之聲燁暉之色不與易也若

能懸契則同期於泥洹矣。且人心各異，有若其面。卿之不樂道，猶我之不慕俗矣。楊氏長別離矣。萬世因緣，於今絕矣。歲聿云暮，時不我與。學道者常言曰：日損爲志。處世者當曰：及時爲務。卿年德并茂，宜速有所慕。莫以道士經心而坐失盛年也。高僧傳四

釋僧衛

衛居荊州長沙寺，爲殷仲堪所重。

十住經合注序

夫冥壑已沖，虛靜用百川已之木。至極已無相標，玄品物已之宗。故法性住湛，一已居妙寂。紛累已運通，靈根朗圓。燭已遂能乘涉，動已間用。然能要有資用，必有本。用必有本，故御本則悟涉無方。能要有資，故悟虛則遂運其通。通則苞鏡六合，而有無圓照。塞則用隨緣感，而應必慮偏圓。照則神功造極，慮偏則顛覆興焉。故四瀆間溢，則洪川灌壑。玄象差轍，則三光晦曜。因此而推，固知運通。

有宗化積有本夫運通之宗因緣開其會無相極其終化積之本
十道啟其謀心術兆其始故心術憑無則靈照通而大乘座滯有
則神慮塞而九宅開矣然推而極之則唯心與法別而張之則絲
彰八極請辨而目焉夫萬法浩然宗一無相靈魄彌綸統極圓照
斯蓋日體用爲萬法言性虛爲無相稱動主爲心識謂靜御爲智
照故滯有慮塞則曰心曰識憑靈照通則曰智曰見見者正見也
始曉之偏目也智者正徧智也體極之圓號也正見創入轍之始
正徧標體極之終四者蓋精魄彌綸水鏡萬法雖數隨緣感然靈
照常一而不變者也夫體用無方則用實異照故亂識爲塵穢心
欲聞見謂寶廓智謂種穢心故五欲爲醢醢之室間見故三寶爲
荆石之門亂識故六塵爲幻惑之肆廓智故一切種爲驅龍之淵
四者寔萬法浩然同實異照雖感應交映而宗一無相者也故識
御六塵曰朦性心起五欲曰昏慮見憑四諦曰洗鑒智撫無相曰

通照然則境雖

下缺

理故心緣精魄彌綸體故靈照靈照故統名

一心所緣故總號一法若夫名隨數變則浩然無際統曰心法則

未始非二故十住爲經將窮隨心術之原本遂眞悟之始辯神功

啟於化彰八萬歸於圓照使靈機無隱伏之數大造無虛竊之名

爾乃落滯識已反鑒眞眞慧曰居宗開十道運其用恬無相遠其

通合三義曰廓能則表宏稱謂菩提菩提者包極十道之尊號皆

囊通物之妙稱乃十住啟靈照之圓極遠弘大通之逸軌故十住

者靜照息機反鑒之容目者也夫所曰冠大業之始唱統十地之

通曰表稱十住諒義存於茲焉義存於茲焉然則十住之興蓋廓

明神覺之向顯發瑩眞慧之砥礪如來反流盡源之舟與世雄撫

會誕化之天府乃眾經之宗本法藏之淵源實鑒始領終之水鏡

光宣佛慧之日月者也夫致弘不可目言象竊道弘不可目名數

極故文約而義豐辭婉而旨弘兆百行開於心轍啟八萬舉其一

隅非夫探鈞玄極研機孰能亢貞鑒敬於希微開拔其悟返乎三
隅者哉悲夫守習之迷雖服膺舊聞不飫斯要雖負日月而彌昏
而玄津而莫濟矣當請引而推焉夫舉高必詣遠致深則興玄故
廓六天曰妙處引法雲曰勝眾蓋非勝無曰扣其玄處非妙不足
曰光其道光道要有方玄扣必得人故位妙處曰殊方則境絕眾
穢開玄肆曰引眾則英彥蓋時處極六天則寶映七珍眾舉法雲
則體鏡九宅廓六變曰開運朗耀世之宏觀叩三說曰開興撫玄
中之統韻發五情曰宜到慮眾誠曰彌演遞二七曰運感互交用
於玄端開神轍於三轉之際兆靈覺於九識之淵匹夫眾經曰比
興不得同日而語開八篇曰辯用焉可共劫而言非夫體包三義
道總兩端孰有若斯之弘哉孰有若斯之弘哉曰此而斷其道淵
矣其致玄矣夫曰金剛之幽植總神辯曰居用猶曰不可究其深
況自降茲者乎然道不獨運弘必由人故令千載之下靈液有寄

馬夫外國法師鳩摩羅耆婆者。挺天悟於命世。邁英風於季俗。乘
冥寄而孤遊。因秦運。引道。撫玄節於希聲。暢微言於像外。可引
祛故納新。非擬三益。悟宗入轍。幾於過半。運啟其願。彌遭其會。引
銘礫之質。廁南金之肆。誠悟無返三之機。思無稽玄之謀。然存聞
賞事。庶無惑焉。故撫經靜慮。感尋疇昔。每苦其文約而致引。言婉
而旨玄。使靈燭映於隱數。大宗昧於禍文。神標繇是。引權範。玄風
自茲用澆。洎至於閑誦靖唯。扣磨津門。則何常不遙然長慨。撫積
薄。引興懷哉。故遂撰記上聞。略爲注釋。豈曰淵壑之待晨露。蓋引
伸其用己之心耳。庶後來明哲。有引引而補焉。釋藏迹九

曇影

曇影姚秦時居陽翟九崖巖

見魏書
嚴紹傳

後住逍遙園

中論序

夫萬化非無宗。而宗之者無祖。虛宗非無吳。而吳之者無心。故至

人已無心之妙慧。而契彼無相之虛宗。內外俱冥。緣智俱寂。豈容名數於其間哉。但曰掃玄之質。趣必有由。非名無旨。領數非數。無旨擬宗。故遂設名而召之。立數而辨之。然則名數之生。生於累者。可曰造極而非其極。苟曰非極。復何常之有邪。是故如來始逮真覺。應物接塵。啟之旨有後爲大乘。乃說空法。化適當時。所悟不二流。至末葉像教之中。人根膚淺。道識不明。遂廢魚守筌。在指忘月。觀空啟便。謂罪福俱泯。聞說相。則謂之爲真。是使有無交興。生滅迭爭。斷常諸邊。紛然競起。時有大士。厥號龍樹。爰託海宮。逮無生忍。意在傷宗。載隆遺教。故作論旨。折中其立意也。則無言不窮。無法不盡。然統其要歸。則會通二諦。旨真諦故無有。俗諦故無無。真故無有。則雖無而有。俗故無無。則雖有而無。雖有而無。則不累於有。雖無而有。則不滯於無。不滯於無。則斷滅見息。不存於有。則常等冰消。寂此諸邊。故名曰中。問答析微。所旨爲論。是作者之大意。

也亦云中觀直已觀辯於心論宣於口耳

釋藏百一

僧佉

佉吒外國人寄居長干寺

題頌同張奴

悠悠世事惑滋損益使欲塵神橫生悅懌惟此哲人淵覺先見思
形浮沫瞬影過電累躡聲華茂醜章弁視色悟空翫物傷變捨紛
絕有斷習除戀青條曲蔭白茅已薦依畦啜麻鄰崖飲淳慧定計
昭妙真日眷慈悲有增深想無倦

高僧傳十
杯度

賜進士出身一品銜廣東等處提刑按察使司按察使兼管驛傳事務高王毓藻校刊

全晉文卷一百六十五終

全晉文卷一百六十六

烏程嚴可均校輯

釋氏十

闕名

修行道地經翻譯記

闕寶文士竺侯征若性純厚樂道歸尊好學不倦真爲上儒也齋此經本來至燉煌是時月支菩薩沙門法護德素智博所覽若淵志化末進誨人呂眞究天竺語又暢晉言於此相值其演之其筆受者菩薩弟子沙門法乘月氏法寶賢者李應樂承索烏子剡遲時通武支晉支晉寶等三十餘人咸其勸助呂太康五年二月二十三日始訖正書寫者榮璫業侯無英也其經上下二十七品分爲六卷向六萬言於是眾賢各各布置

釋藏終八

放光經記

惟昔大魏潁川朱士行曰甘露五年出家學道爲沙門出塞西至
于闐國寫得正品梵書梵本九十章六十萬餘言曰太康三年遣
弟子弗如檀晉字法饒送經梵本至洛陽住三年復至許昌二年
後至陳畱界倉垣水南寺曰元康元年五月十五日眾賢者共集
議晉書正寫時執梵本者于闐沙門無叉羅優婆塞竺叔蘭口傳
說太玄周玄明共筆受正書九十章凡二十萬七千六百二十一
言時倉垣諸賢者等大小相勸助供養至其年十二月二十四日
寫都訖經義深奧又前後寫者參校不能善悉至太安二年十一
月十五日沙門竺法寂來至倉垣水北寺求經本寫時檢取現品
五部并梵本與竺叔蘭更其攷校書寫永安元年四月二日訖於
前後所寫校最爲差定其前所寫可更取校晉梵音訓暢義難通
諸問士大學文生書寫供養誦讀者願畱三思想其不逮也

須臾天子經記

須臾天子經太始二年十一月八日於長安青門內白馬寺中天竺菩薩摩羅察口授出之時傳言者安文惠帛元信手受者新承遠張玄伯孫休達十二月三十日未時訖同上

普曜經記

普曜經永嘉二年太歲在戊辰五月本齊菩薩沙門法護在天水寺手執梵本口宣晉言時筆受者康殊帛法炬同上

賢劫經記

賢劫經永康元年七月二十一日月支菩薩竺法護從罽賓沙門得是賢劫三昧手執口宣時竺法友從洛寄來筆受者趙文龍使其功德福流十方普遂蒙恩離於罪蓋其是經者次見千佛稽受道化受菩薩使致無生忍至一切法十方亦爾同上

首楞嚴後記

咸和三年歲在癸酉涼州刺史張天錫在州出此首楞嚴經於時
有月支優婆塞支施崙手執梵本支博綜眾經於方等三昧特善
其志業大乘學也出首楞嚴須賴上金光首如幻三昧時在涼州
州內正聽堂湛露軒下集時譯者龜茲王子世帛延善晉梵音延
博解羣籍內外兼綜受者常侍西海趙肅會水令馬亦內侍來恭
政此三人皆是俊德有心道德時在坐沙門釋慧常釋進行涼州
自屬辭辭旨如本不加文飾飾近俗質近道文質兼唯聖有之耳
同上

阿維越致遮經記

晉言不退轉法輪

太康五年十月十四日菩薩沙門法護於燉煌從龜茲副使羌子
侯得此梵書不退轉法輪經口收晉言授沙門法乘使流布一切

咸悉聞知

同上

麗逆經記

太康十年十二月 月支菩薩法護手執梵書口宣誓言肅道
真筆受於洛陽城西白馬寺中始出析顯元寫使功德流布一切
蒙福度脫上同

聖法印經記

元康四年十二月二十五日 月支菩薩沙門法護於酒泉演出此
經弟子竺法首筆受令此深法普流十方大乘常住上同

文殊師利淨律經記

經後記云沙門竺法護於京師遇西國寂志誦出此經經後尙有
數品其人忘失輒宣現者轉之爲晉更得其本補令具足太康十
年四月八日白馬寺中聶道真對筆受勸助劉元謀傅公信侯彥
長等上同

正法華經記

太康七年八月十日 燉煌月支菩薩沙門法護手執梵經口宣傳

出正法華經二十七品授優婆塞聶承遠張仕明張仲政其筆受竺德成竺文盛嚴威伯續文承趙叔初張文龍陳長玄等其勸助歡喜九月二日訖

天竺沙門竺力迦茲居士帛元信其參校元年二月六日重覆

又元康元年長安孫伯虎己四月十五日寫素解

釋藏
跡八

正法華經後記

永熙元年八月二十八日比丘康那律於洛陽寫正法華品竟時與清戒界節優婆塞張季博董景玄劉長武長文等手執經本詣白馬寺對與法護口校古訓講出深義己九月大齋十四日於東牛寺中施檀大會講誦此經竟日盡夜無不咸歡重己校定

同上

持心經記

持心經太康七年三月十日燉煌開士竺法護在長安說出梵文授承遠

同上

六卷泥洹記

摩竭提國巴連弗邑阿育王塔天王精舍優婆塞伽羅先見晉十道人釋法顯遠遊此土爲求法故深感其人卽爲寫此大般泥洹經如來祕藏願令此經流布晉土一切眾生悉成平等如來法身義熙十三年十月一日於謝司空石所立道場寺出此方等大般泥洹經至十四年正月一日校定盡訖禪師佛大跋陀手執梵本寶雲傳譯於時座有二百五十人

二十卷泥洹記

智猛傳云毗耶離國有大小乘學不同帝利城次華氏邑有婆羅門氏族甚多其稟性敏悟歸心大乘博覽眾典無不通達家有銀塔縱廣八尺高三丈四龕銀像高三尺餘多有大乘經種種供養婆羅門問猛言從何來荅言秦地來又問秦地有大乘學不卽荅皆大

如來大哀經記

元康元年七月七日，燉煌菩薩支法護，手執梵經，經名如來大哀，口授聶承遠，道真正書晉言。己其年八月二十三日訖，護親自覆校，當令大法光顯流布。其有覽者，疾得總持，暢澤妙法。釋藏跡九

文殊師利發願經記

晉元熙二年，歲在庚申，於揚州關場寺，禪師新出，云外國四部眾禮佛時，多誦此經，已發願求佛道。同上

僧伽羅刹集經後記

大秦建元二十年十一月三十日，罽賓比丘僧伽跋澄，於長安石羊寺，口誦此經，及毗婆沙佛圖羅刹，翻譯秦言未精。沙門釋道安、朝賢趙文業，研覈理趣，每存妙盡，遂至畱連。至二十一年二月九日，方訖。且婆須蜜經及曇摩難提，口誦增一阿含并幻網經，使佛念爲譯人。念迺學通內外，才辯多奇，常疑西域言繁質，謂此土好

華每存瑩飾文句減其繁長安公趙郎之所深疾窮校考定務存
典骨既方俗不同計其五失梵本出此目外豪不可差五失如安
公大品序所載余既預眾末聊記卷後使知釋趙爲法之至釋藏
跡十
大智論記

究摩羅耆婆法師自秦弘始三年歲在辛丑十二月二十日至常
安四年夏於逍遙園中西門閣上爲姚天王出釋論七年十二月
二十七日乃訖其中兼出經本禪經戒律百論禪法要解向五十
萬言并此釋論一百五十萬言論初品三十四卷解釋一品是全
論其本二品已下法師略之取其要足目開釋文意而已不復備
其廣釋得此百卷若盡出之將十倍於此同上

三法度經記

比丘釋僧伽先志願大乘學三藏摩訶鞞那伽蘭兼通一切書記
此三法度三品九真度撰記出此經持此福祐一切眾生令從苦

得安見諦解脫

上同

八禪度阿毗曇根禪度後別記

斯經序曰其人忘因緣一品故闕文焉近自罽賓沙門曇摩卑聞之來經蜜川僧伽諦婆譯出此品八禪度文具也而卑云八禪度是體耳別有六足可自百萬言卑誦二足今無譯可出慨恨良深秦建元十五年正月十九日於揚州瓦官佛圖記

上同

成實論記

大秦弘始十三年歲次豕韋九月八日尚書令姚顒請出此論至來年九月十五日訖外國法師拘摩羅耆婆手執梵本口自傳譯

曇曇筆受

釋藏百一

菩薩波羅提木叉後記

夫窮像於玄原之無始萬行始於戒信之玄兆是故天竺鳩摩羅什法師心首持誦什言此戒出梵網經中而什法師少翫大方齊

異學於迦夷、高風東扇，故弘始三年，秦王道契百王之業，奉心大法於逍遙觀中，三千學士與什參定大小乘經五十餘部，唯菩薩十戒四十八輕最後誦，此時融影三百人等一時受行修菩薩道，豈唯當時之益，乃有累劫之津也。故慧融書三千部流通於後代，持誦相授，屬諸後學，好道之君子願末劫不絕，其見千佛龍華同坐。同上

關中近出尼二種壇文，夏坐雜十二事并雜事，其卷前中後三記。卷初記云：太歲己卯鶉火之歲十一月十一日，在長安出此比丘尼大戒，其月二十六日記，僧純於龜茲佛陀舌彌許戒本曇摩侍傳，佛念執梵慧常筆受。

卷中間，尼受大戒法後記云：此土無大比丘尼戒，乏斯一部僧法久矣。吳土雖有五百戒比丘尼，而戒是覬歷所出，尋之殊不似聖人所制。法汰道林聲鼓而攻之，可謂匡法之棟梁也。法汰去年亦

令外國人出少許復不足慧常涼州得五百戒一卷直戒戒複之
似人之所作其義淺近末及僧純曇充拘夷國來從雲慕藍寺於
高德沙門佛圖舌彌許得此比丘尼大戒及授戒法受坐已下至
劔墓法遂令佛圖卑爲譯曇摩侍傳之乃知真是如來所制也而
不止五百數比丘戒有二百六十問侍所曰言莫知其故也然曰
理推之二百五十及五百是舉全數耳又授比丘尼大戒文少將
卽用授大比丘法而出其異也八籤賴夷無二亦當依此足之耳
亦當略授十七僧迦衛尸沙一章也又授比丘尼大戒尼三師教
授師更與七尼壇外問內法壇外問內法於事爲重故外國師云
壇外問當言正爾上場眾僧中當問汝汝常爾答壇上問則言今
眾僧中間汝也正爾令曇充還拘夷訪授比丘尼大戒定法須報
曰爲式也授六法文無乏也二師而已無敎授師也

卷後又記云秦建元十五年十一月五日歲在鶡尾比丘僧純曇

充從上慈高德沙門佛圖舌彌訖得此授大比丘尼戒儀及二歲
戒儀從受坐至屬授諸雜事令曇摩侍出佛圖卑爲譯慧常筆受
凡此諸事是所施行之急者若爲人師而不練此此無異於土牛
後人也涼州道人竺道曼於比丘尼因此異事來與燉煌道人此沙
門各各所住祠或二百或三百人爲一部僧比丘尼向三百人凡
有五祠各各從所使僧祠依準爲界內無其說戒法也常暮說戒
說戒之日比丘尼差二人往白所依僧云今日當說戒僧卽差二
人往詣比丘尼僧知人數還白大僧云比丘尼凡有若干於某祠
清淨說戒普其聞知如是三白比丘尼便自其行箴說戒如法僧
事七月十五日各於所止處受歲如法遣三人詣所依僧承受界
分齋耳其餘如僧法比丘尼當三受戒五百戒比丘尼滿十二歲
乃中爲師初受十戒時索二女師當使持律沙門授戒乃付女師
令教道之次受二百五十戒年滿二十直使女三師授之耳威儀

俯仰如男子受戒法無異也受戒後周一年無誤失乃得受戒五百戒後受戒時三師七僧如中受時直使前持律師更授二百五十事合前爲五百耳直授之不如中受時問威儀委曲也戒文如男子戒耳事事如之無他異也

同上

正誣論

有異人者誣佛曰尹文子有神通者愍彼胡狄胡狄父子聚麀貪婪忍害昧利無恥侵害不厭屠裂羣生不可遜讓厲不可談議喻故具諸事云云又令得道弟子變化云云又禁其殺生斷其婚姻使無子孫伐胡之術孰良於此云云正曰誣者旣云無佛復云文子有神通復云有得道弟子能變化恢廓盡神妙之理此真有胸無心之語也夫尹文子卽老子弟子老子卽佛弟子也故其經云問道竺乾有古先生善入泥洹不始不終永存綿綿竺乾者天竺也泥洹者梵語晉言無爲也若佛不先老子何得稱先生老子不

先尹文何故請道德之經耶曰此推之佛故文子之祖宗眾聖之
元始也安有弟子神化而師不能乎且夫聖之宰世必曰道蒞之
遠人不服則綏曰文德不得已而用兵耳將曰除暴止父極濟羣
生行小殺曰息大殺者也故春秋之世諸侯征伐動仗正順敵國
有斃必鳴鼓曰彰其過總養兵曰臨罪人不曰聞昧而行誅也故
服則柔而撫之不苟姪刑極武勝則曰喪禮居之殺則曰悲哀泣
之是曰深貶誘執大杜絕滅之原若懷惡而討不義假道曰成其
暴皆經傳變文譏貶累見故會宋之盟抑楚而先晉者疾衷甲之
詐曰崇咀信之美也夫敵之怨惠不及後嗣惡止其身四重罪不
濫此百王之明制經國之令典也至於季末之將佳兵之徒患道
薄德衰始任詐力競曰譎詭之計濟殘賊之心野戰則肆鋒極殺
屠城則盡坑無遺故白起刎首於杜郵董卓屠身於宮門君子知
其必亡舉世哀其灰燼兵之弊也遂至於此此爲可痛心而長歎

者矣。何有聖人而欲大縱陰毒，翦絕黎元者哉？且十室容賢，而況萬里之廣，重華生於東夷，文命出乎西羌，聖哲所興，豈有常地？或發音於此，默化於彼，形教萬方，而理運不差。原夫佛之所曰夷迹，於中岳而曜奇，於西域者，蓋有至趣，不可得而縷陳矣。豈有聖人疾敵之強，而其欲覆滅，使無子遺哉？此何異氣厲殷流，不獨良淑縱火中原，蘭猶俱焚，桀紂之虐，猶將不然乎？縱令胡國信多惡逆，曰暴易暴，又非權通之旨也。引此爲辭，適足肆謫言，眩愚豎，豈允情合義，有心之難乎？

又誣云：尹文子欺之，天有三十二重云云。又妄牽樓炭經云：諸天之宮廣長二十四萬里，面開百門，門廣萬里云云。正曰：佛經說天地境界，高下階級，悉條貫部分，敘而有章，而誣者或附著生長，枉造僞說，或顛倒淆亂，不得要實。何有二十四萬里之地，而容四百萬里之門乎？曰：一事覆之，足明其錯謬者多矣。賊獲牧豎，猶將知

其不然況有識乎欲已見博祇露其愚焉

又誣云佛亦周遍五道備犯眾過行凶惡猶得佛此非怖爲惡者之法也又計生民善者少而惡者多惡人死輒充六畜爾則開闢至今足爲久矣今畜宜居十分之九而人種已應希矣正曰誠如所言佛亦曾爲惡耳今所已得佛者改惡從善故也若長惡不悛迷而後遂往則長夜受苦輪轉五道而無解脫之由矣今已其能掘眾惡之栽滅三毒之燼修五戒之善盡十德之美行之累劫倦而不已曉了本際暢三世空故能解生死之虛外無爲之場耳計天下昆蟲之數不可稱計人本之在九州之內若毫末之在馬體十分之九豈可言哉故天地之性已人爲貴榮期所已自得於三樂達貴賤之分明也今更不復自賴於人類不醜惡於畜生已芻水爲甘膳已羈絡爲非謫安則爲之無所多難也

又誣云有無靈下經無靈下經妖怪之書耳非三墳五典訓誥之

言也通才達儒所未究覽也三曾五祖之言又似解奏之文此殆不詰而虛妄自露矣今且聊復應之凡俗人常謂人死則滅無靈無鬼然則無靈則無天曹無鬼則無所收也若子孫奉佛而乃追譴祖先祖先或是賢人君子平生之時未必與子孫同事而天曹便收伐之令顏冉之尸羅枉戮之痛仁慈祖考加虐毒於貴體此豈聰明正直之神乎若其非也則狐貉魍魎姪厲之鬼何能反制仁賢之靈而囚禁戒之人乎曰此爲誣鄙醜書矣

又誣云道人聚斂百姓大構塔寺華飾奢侈糜費而無益云云正曰夫教有深淺適時應物悉已備於首論矣請復伸之夫恭儉之心莫過堯舜而山龍華蟲黼黻絺繡故傳曰錫鸞和鈴昭其聲也三辰旂旗昭其明也五色比象昭其物也故王者之居必金門玉陛靈臺鳳闕將使異乎凡庶令貴賤有章也夫人情從所覩而興感故聞鼓鼙之音視羽麾之象則思將帥之臣聽琴瑟之聲觀庠

序之儀則思朝廷之臣遷地易觀則情貌俱變令悠悠之徒見形而不及道者莫不貴崇高而忽仄陋是已諸奉佛者仰慕遺迹思存髣髴故銘列圖像致其虔肅割捐珍玩已增崇靈廟故上士遊之則忘其蹶筌取諸遠味下士遊之則美其華藻玩其炳蔚先悅其耳目漸率已義方三塗汲引莫有遺蹟猶器之取水隨量多少唯穿底無當乃不受耳

又專誣已禍福爲佛所作可謂元不解矣聊復釋之夫吉凶之與善惡猶善惡之乘形聲自然而然不得相免也行之由已而理立應耳佛與周孔但其明忠孝信順從之者吉背之者凶示其渡水之方則使資舟楫不能令步涉而得濟也其謂誨人之法救厄死之術亦猶神農唱粒食已充饑虛黃帝垂衣裳已禦寒暑若閉口而望飽裸袒已求溫不能強與之也夫扁鵲之所已稱良醫者已其應疾投藥不失其宜耳不責其令有不死之民也且扁鵲有云

吾能令當生者不死不能令當死者必生也若夫爲子則不孝爲臣則不忠乎守膏肓而不悟進良藥而不御而受禍臨死之日更多咎聖人深恨良醫非徒東走其勢投奔矣

又誕云沙門之在京洛者多矣而未嘗聞能令主上延年益壽上不能調和陰陽使年豐民富消菑卻疫克靜禍亂云云下不能休糧絕粒呼吸清醞扶命度厄長生久視云云正曰不然莊周有云達命之情者不務命之無奈何審期分之不可遷也若令性命可已智德求之者則發旦二子足令文父致千齡矣顏子死則稱天喪子惜之至也無已延之耳且陰陽數度期運所當百六之極有時而臻故堯有滔天之洪湯有赤地之苗涿鹿有漂櫓之血坂泉有橫野之屍何不坐而消之救其未然邪且夫熊經鳥曳導引吐納輟黍稷而御英藥吸風露已代饕餮俟此而壽有待之倫也斯則有時可夭不能無窮者也沙門之視松喬若未孩之兒耳方將

抗志於二儀之表，延祚於不死之鄉，豈能屑心營近與，消彭爭長哉？難者，苟欲騁飾，非之辯立，距諫之強，言無節矣。義無宮商，嗟夫！北里之亂，堆惡緣之奪黃也。其餘噪之音，曾無紀綱，一遵先師，不答之章。

又誣云：漢末有笮融者，合兵依徐州刺史陶謙，謙使之督運，而融先事佛，遂斷盜官運，曰：自利人，大起佛寺云云。行人悉酒食云云。後爲劉繇所攻，見殺云云。正曰：此難不待繩約而自縛也。夫佛教率曰慈仁不殺，惠信不愆，廉貞不盜爲首。老子云：兵者不祥之器，邇者凶，而融阻兵安忍，結附寇逆，犯殺一也。受人使命，取不報主，犯欺二也。斷割官物，曰自利人，犯盜三也。佛經云：不曰酒爲惠施，而融縱之犯酒四也。諸戒盡犯，則動之死地矣。譬猶吏人解印脫冠，而橫道肆暴，五尺之童皆能制之矣。笮氏不得其死，適足助明爲惡者之獲殃耳。

又誣云石崇奉佛亦至而不免族誅云云正曰石崇之爲人余所
悉也僑盈耽酒放僭無度多藏厚斂不怕悍獷論才則有一割之
利計德則盡無取焉雖託名事佛而了無禁戒卽如世人貌清心
穢色厲內荏口詠禹湯而行偶樂踞自貽伊禍又誰之咎乎

又誣曰周仲智奉佛亦精進而竟復不蒙其福云云正曰尋斯言
似乎幸人之菑非通言也仲智雖有好道之意然意未受戒爲弟
子也論其率情亮直只涉僞上自是可才而有強梁之累未合道
家嬰兒之旨矣曰此而過忌勝之雄喪敗理耳縱如難者之言精
進而遭害者有矣此何異顏項夙天夷叔僂死比干盡忠而陷割
心之禍申生篤孝而致雉經之痛苦此之比不可勝言孔子曰仁
者壽義者昌而復有不免固知宿命之證至矣信矣

又誣云事佛之家樂死惡生屬續待絕之日皆曰爲福祿之來而
無哀感之容云云正曰難者得無隱心而居物不然何言之逆乎

夫佛經自謂得道者能立同彼我渾齊短修涉生死之變泯然無
槩步禍福之地而夷心不懼樂天知命安時處順耳其未體之者
哀死慎終之心乃所曰增其篤也故有大悲宏振之義雖人之喪
猶如哀矜曰德報怨不念舊惡況乎骨肉之痛情隆自然者而可
曰無哀感之心者哉夫愛親者不敢惡於人恐疇已之深也逆情
違道於斯見矣

弘明集一載此文於牟子理惑論後無撰人
名案稱后崇周需則撰人在明帝後也

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷一百六十七

烏程嚴可均校輯

釋氏十

闕名二

四阿含暮鈔序

阿含暮者秦言趣無也。阿難既出十二部經。又采撮其要。逕至道法。爲四阿含暮。與阿毗曇及律並爲三藏焉。身毒學士曰。爲至德未墜於地也。有阿羅漢名婆素跋陀鈔其膏腴。曰爲一部九品四十六葉。斥重去複。文約義豐。真可謂經之瓔鬘也。百行美妙。辯是與非。莫不悉載也。幽奧深富。行之能事畢矣。有外國沙門字因提。麗先齋詣前部國祕之。佩身不日示人。其王彌第求得。諷之遂得。布此。余曰壬午之歲八月。東省先師寺廟於鄴寺。令鳩摩羅佛提執梵文。僧念僧護爲譯。僧導曇究僧微筆受。至冬十一月乃訖。此

歲夏出阿毗曇冬出此經一年之中具三藏也深旨自幸但恨八九之年始遇此經恐韋編未絕不終其業耳若加數年將無大過也近敷譯人直合轉梵為秦解方言而已經之文質所不易也又有懸數懸事皆訪其人為注其下時復已意消息者為其章注修如路者其人注解引經本也其有直言修如路者引經證非注解也釋藏藉五又述九案此經篇目是釋道安所題疑此序亦道安作而梁釋僧祐曰為未詳作者尋道安傳亦無壬午歲至鄴寺事故編入闕名類

沙彌十戒法并威儀序

夫乾坤覆載曰人為貴立身處世曰禮儀為本君臣父子非禮不立防邪止奸非禮不禁和國崇婚非禮不定遜悌鄉邑非禮不通師徒朋友非禮不敬弔喪問疾非禮不行昔先賢垂範永曰為軌則喪祭之儀世務之急是曰信行之機旦夕之要今世浮遊或輕或重或深或淺不諧法則曰致譏論釋藏叔四

尊婆須密菩薩所集論序

尊婆須密菩薩大士次繼彌勒作佛名師子如來也從釋迦文降
生韓提國爲大婆羅門梵摩渝子厥名鬱多羅父命觀佛尋作四
月具觀相表威變容止還白所見父得不還已出家學改字婆須
蜜佛般涅槃後遊教周妒國槃柰園高才蓋世奔逸絕塵撰集斯
經焉別七品爲一捷度盡十三捷度其所集也後四品一捷度訓
釋佛偈也凡十一品十四捷度也該羅深廣與阿毗曇並興外國
傍通大乘特明盡漏博涉十法百行之能事畢矣尋之潏然猶滄
海之無涯可不謂之廣乎陟之瞠爾猶崑岳之無頂不謂之高乎
寶渚極目狀夜光之珍巖岫舉睫狀天智之玉懿乎富也何過此
經外國升高座者未墜於地也集斯經已入三昧定如彈指頃神
升兜術彌妒路彌妒路刀利及僧伽羅刹適彼天宮斯二三君子
皆次補處人也彌妒路刀利者光炎如來也僧伽羅刹者柔仁佛

也茲四大士集乎一堂對揚權智賢聖默然洋洋盈耳不亦樂乎
闍賓沙門僧伽跋澄曰秦建元二十年傳此經一部來詣長安武
威太守趙政文業者學不厭士也求令出之佛念譯傳跋澄難陀
禰婆三人執梵本慧嵩筆受曰三月五日出至七月十三日乃訖
梵本十二千首廬也余與法和對校修飾武威少多潤色此經說
三乘爲九品持善修行曰止觀經十六最悉每尋上人之高韻未
常不忘意一作息味也恨闕數仞之門晚懼不悉一作懼失其宗廟之美
百官之富也釋慧集一又跡十

首楞嚴三昧經注序

首楞嚴三昧者晉曰勇猛伏定意也謂十住之人志當而功顯不
爲而務成蓋勇猛伏之名生於希尚者耳雖功高天下豈係其名
哉直曰忘業宗而稱立遺稱故名遺訓三千數典諸羣生瞻之而
弗及鑽之而莫喻自非奇致超玄梵可曰應乎聖錄所謂勇猛者

誠哉難階也。定意者謂迹絕仁智。有無兼忘。雖復寂已。應感惠澤者。倉生何嘗不通。惠曰。仁智。照曰。玄宗所已寂者。未可得而分也。故其篇云。悉遍諸國。亦無所分於法身不壞也。謂雖從感。若流身充宇宙。豈有爲之者哉。謂化者曰。不化爲宗。作者曰。不作爲主。其自忘焉。像可分哉。若至理之可分。斯非至極也。可分則有虧。斯成則有散。所謂爲法身者。絕成敗遺合散。靈鑒與玄風齊蹤。員神與太陽俱暘。其明不分。萬類殊觀。法身全濟。非亦宜乎。故曰。不分無所壞也。首楞嚴者。沖風冠乎知喪。洪緒在於忘言。微旨盡於七住。外迹顯乎三權。洞重玄之極奧。耀八特之化筌。插高木之玄標。建十準目。伺能翫妙旨。目調習。既習釋而知玄。遺慈故慈洽。棄照而照弘也。故有陶化育物。紹目經綸。自非領略玄宗深達奇趣。豈云究之哉。沙門支道林者。道心冥乎上世。神悟發於天然。俊朗明徹。玄映色空。放於往數位。敘三乘。余時復時諮。豫聞其一。敢言不敏。

係於句末想望來賢助刪定焉

釋藏
跡七

漸備經十住梵名并書序

波牟提陀晉曰一住維摩羅晉曰二住波披迦羅晉曰三住阿至
摸晉曰四住頭闍耶晉曰五住阿比目佉晉曰六住頭羅迦摩晉
曰七住阿遮羅晉曰八住抄頭摩提晉曰九住曇摩彌迦晉曰十
住漸備經晉曰十住名

第一住名悅豫第二住名離垢第三住名興光第四住名輝耀第
五住名難勝第六住名目前第七住名玄妙第八住名不動第九
住名善哉意第十住名法雨漸備經十住行

第一住今亡第二住說戒行第三住說十二門五通事第四住說
三十七品事第五住說四諦事第六住說十二因緣事第七住說
權智事第八住說神足變化事第九住說神足教化事第十住亦
說神足教化事漸備經護公曰元康七年出之其經有五卷五萬

餘言第一卷說一住事今無此一卷今現有二住目下至十住爲十品

漸倫經十住與本業大品異說事委悉於本業大品不知何目隨於涼州昔涼州諸道士釋敎道竺法彥義斯二道士並皆博學已經法爲意不知何目不集此經又亦不問其何所說始知博聞之難爲人興顯經且亦是大經說事廣大義理幽深乃是眾經之美麗辭敎茂贍真有奇聞而帛法巨亦是博學道士昔鄴中亦與周旋不知何目復不集此經又不聞其言博聞強記信難有護公出須賴經雖不見恆聞彥說之張天錫更出首楞嚴故當應委於先者元康七年十一月二十一日沙門法護在長安市西寺中出漸倫經手執梵本譯爲晉言護公菩薩人也尋其餘音遺迹使人仰之彌遠夫諸方等無生諸三昧經類多此公所出眞眾生之冥梯大品出來雖數十年先出諸公略不綜習不解諸公何目爾諸公

才明過人，當能留心思研，心目爲至業者，故當極有所得。先出諸公，故恨太簡。於文句殊多可恨。大品頃來東西諸講習，無不目爲業。於文句猶不同，豈其轉深，但才分有限，思尋有極，幽旨作案有脫誤非短思所盡。然文句故可力爲，方欲研之，窮此一生，冀有微補。漸備經，恨不得上一卷，冀因緣冥中之助，忽復得之，漸備所說。位分異行，各有階級，目下殊異於眾。經方欲根悉研尋之，如今茫茫，猶涉大海，不知第一住中何說。彼或有因緣信使，君不可不持作意。案有脫誤盡尋求之理。大品上兩卷，若有可尋之階，亦勤目爲意。護公出光讚計，在放光前九年，不九年當八年，不知何目遂邈在涼州，不行於世。尋出經時，乃在長安出之，而都不流行，乃不知其故。吾往在河北，唯見一卷。經後記云：十七章年號日月，亦與此記同，但不記處所，所目爲異。然出經時人云：聶承遠筆受，帛元信沙門法度。此人皆長安人也。目此推之，略當必在長安出此經。梵本亦言

于闐沙門祇多羅所齎來也。此同如慧常等涼州來疏。正似涼州
出。未詳其故。或乃謾公在長安時。經未流宣。唯持至涼州。未能
詳審。泰元元年歲在丙子五月二十四日。此經達襄陽。釋慧常已
酉年。因此經寄牙市人康兒。展轉至長安。長安安法華道人送至
牙市。牙市人送達襄陽。付沙門釋道安。襄陽時齊僧有三百人。使
釋僧顯寫送與揚州道人竺法汰。漸備經已。泰元元年十月三日。
達襄陽。亦是慧常等所送。與光讚俱來。頃南鄉間人畱寫。故不與
光讚俱至耳。首楞嚴須賴。並皆與漸備俱至涼州。道人釋慧常歲
在壬申。於內苑寺中寫此經。己酉年因寄至子年四月二十三日。
達襄陽。首楞嚴經事事多於先者。非但第一第二第九。此章最多。
近三四百言許。於文句極有所益。須賴經亦復小多。能有佳處云。
有五百戒。不知何目不至此。乃最急。四部不具於大化有所闕。般
若經乃曰善男子。善女人。爲教首而戒立行之本。百行之始。猶樹

之有根常曰爲深恨若有緣便盡訪求之理先梵本有至信因之

勿零落

釋藏
跡九

阿毗曇心序

釋和尚昔在關中令鳩摩羅跋提出此經其人不閑晉語曰偈本難譯遂隱而不傳至於斷章直云修妒路及見提婆乃知有此偈曰偈檢前所出又多首尾隱沒互相涉入譯人所不能傳者彬彬然是曰勸令更出曰晉泰元十六年歲在單閼貞於重光其年冬於潯陽南山精舍提婆自執梵經先誦本文然後乃譯爲晉語比上道慈筆受至來年秋復重與提婆校正曰爲定本時眾僧上座竺僧根支僧純等八十人地主江州刺史王凝之優婆塞西陽太守任固之爲檀越並其勸佐而興焉

釋藏
跡十

法顯傳自記遊天竺事後序

是歲甲寅晉義熙十二年歲在壽星夏安居末迎法師道人既至

蒲其冬、癸因講集之際、重問遊歷、其人恭順、言輒依實、由是先所
略者、勸令詳載、顯復具敘始末、自云、願尋所經、不覺心動、汗流、所
言乘危履險、不惜此形者、蓋是志有所存、專其愚直、故投命於不
必全之地、言達萬一之冀、於是感激斯人、言爲古今罕有、自大教
東流、未有忘身求法、如顯之比、然後知誠之所感、無窮否而不通、
志之所獎、無功業而不成、成夫功業者、豈不由忘夫所重、重夫所
忘也哉、釋藏
兵八

戒因緣經鼻奈耶序

阿難出經、而承聖旨、五百應真、更互定察、分爲十二部、於四十九
年之誨、無片言遺失、又鈔十二部、爲四阿含、阿毗曇、鼻奈耶、三藏
備也、天竺學士、罔弗尊焉、諷之誦之、未墜於地也、其大高座沙門
則兼該三藏、中下高座則通一通二而已耳、經流秦土、有自來矣、
隨天竺沙門所持來之經、遇而便出於十二部、毗日羅部最多、言

斯邦人莊老放行與方等經兼忘相似故因風易行也道安常恨三藏不具自爲闕然歲在壬午鳩摩羅佛提齋阿毗曇鈔四阿含鈔來至長安渴仰情久卽於其夏出阿毗曇鈔四卷其冬出四阿含鈔四卷又其伴彌留鼻奈厥名耶舍諷鼻奈經甚利卽令出之佛提梵書佛念爲譯曇景筆受自正月十二日出至三月二十五日乃了凡爲四卷與往年曇摩侍出戒典相似如合符焉於二百六十事疑礙之滯都設然焉上聞異要煥乎可觀焉二年之中於此秦邦三藏具焉然世尊制戒必有所因六羣比丘生於貴族攀龍附鳳雖貪出家而豪心不盡鄙悖之行曰成斯戒二人得道二人生天二人墮龍一入無擇明持貴不節自遣伊感而使中間家子遇佛出學雖不能一坐成道何由如此之困乎然此經是佛未制戒時其所犯穢漏行多旣制之後改之可貴天竺持律不都通視惟諸十二法人堅明之士乃聞緘縻而共相授耶舍見囑見

誨誨人可使由之不可使知其言切至乃自是也而今已後泰
士有此一部律矣唯願同我之人尤慎所授焉未滿五歲非持律
人幸勿與之也

釋藏
凡一

僧伽羅刹所集佛行經序

僧伽羅刹者須賴國人也佛去世後七百年生此國出家學道遊
教諸邦至憍陀越土憍陀闍貳王師焉高明絕世多所述作此土
修行道地經其所集也又著此經憲章世尊自始成道迄於淪虎
行無巨細必因事而演遊化夏土莫不曲備雖普耀本行度世諸
經載佛起居至謂爲密今攬斯經所悟復多矣傳其將終我若立
根得力大士誠不虛者立斯樹下手援其葉而棄此身使那羅延
力大象之勢無能移余如毛髮也正使就耶維耆當不憊此集言
然之後便卽立終闍貳王自臨而不能動遂召巨鯨象挽未始能
搖卽就耶維炎葉不傷尋昇兜術與彌勒大士高談彼宮將補佛

處賢劫第八。自建元二十年。闍賓沙門僧伽跋燈齋此經本來。詣
長安武威太守趙文業。請令出焉。佛念爲譯。慧嵩筆受。正值慕容
作難於近郊。然譯出不衰。余與法和對檢定之。十一月三十日。乃
了也。此年出中阿含六十卷。增一阿含四十六卷。伐鼓擊柝之中。
而出斯一百五卷。窮通不改其恆。詎非先師之故迹乎。釋藏
宜一

達摩多羅禪經序

夫三業之興。曰禪智爲宗。雖精粗異分。而階藉有方。是故發軔分
途。途無亂轍。革俗成務。功不待積。靜復所由。則幽詔告微。淵博難
窺。然理不云昧。庶曰統可尋。試略而言。禪非智無。曰窮其寂。智非
禪無。曰深其照。然則禪智之要。照寂之謂。其相濟也。照不離寂。寂
不離照。感則俱遊。應必同趣。功玄於在用。交養於萬法。其妙物也。
運羣動。已至一。而不有廓。大象於未形。而不無無。思無爲而無不
爲。是故洗心靜亂者。曰之相處。悟微窮神者。曰之入微也。若乃將

人其門機在攝會理玄微廣道隱於文則是阿難曲承音詔遇非其人必藏之靈府何有心無常規其變多方數無定象待感而應是故化行天竺緘之有匠幽關莫闢罕聞其庭從此而觀理有行藏道不虛授良有旨矣如來泥曰未久阿難傳其共行弟子末田地末田地傳舍那婆斯此三應真咸乘至願其契於昔功在言外經所不辯必問軌元匠屏焉無差其後有優波崛弱而超悟智絕世表才高應寡觸理從簡八萬法藏所存惟要五部之分始自於此因斯而推固知形運目系廢興自兆神用則幽步無迹妙動難尋涉粗生異可不慎乎可不察乎自此已來感於事變懷其舊典者五部之學並有其人咸懼大法將頽理深其慨遂各述讚禪經曰隆盛業其爲放也無數方便曰求寂然寂乎惟寂其揆一耳而尋條求根者眾統本運末者寡或將暨而不至或守方而未變是故經稱滿願之德高普事之風原夫聖旨非徒令其長亦所已救

其短若然五部殊業存乎其人。人不經世道或降替廢興有時。則互相昇降。小大之目。其可定乎。又達節善變。出處無際。晦名寄迹。無間無示。若斯人者。復不可言名。部分即非名。部之所分亦不出於其外。別有宗明矣。每慨大教東流。禪數尤寡。三業無統。斯道殆廢。頃鳩摩耆婆宣馬鳴所述。乃有此業。雖其道未融。蓋是爲山於一簣。欣時來之有遇。感奇趣於若人。捨夫制勝之論。而順不言之辨。遂誓被僧那至寂爲己任。懷德未忘。故遺訓在茲。其爲要也。固大成於未象。開微言而崇體。悟惑色之悖德。杜六門已寢患。達奮競之傷性。齊彼我。已宅心。於是異族同氣。幻形告疏。入深緣起。見生死際。余乃闢九閻於龍津。超三忍。已登位。垢習凝於無生。形累畢於神化。故曰無所從生。靡所不生。於諸所生而無所生。今之所譯。出自達摩多羅。與佛大先。其人西域之僑。禪訓之宗。搜集經要。勸發大乘。宏教不同。故有詳略之異。達摩多羅闡眾篇於同道。問

一色爲怕沙其爲觀也明起不曰生滅不曰盡離往復無際而未始出於如故曰色不離如如不離色色不離如如色則是如如不離色如則是色佛大先已爲澄源引流固宜有漸是已始自二道開甘露門釋四義已反迷啟歸途已領會分別陰界尋已止觀暢散緣起使優劣自辨然後令原始反終妙尋其極其極非盡亦非所盡乃曰無盡入於如來無盡法門非夫道冠三乘智通十地孰能洞元根於法身歸宗一於無相靜無遺照動不離寂者哉

廬山諸道人遊石門詩序

石門在精舍南十餘里一名障山基連大嶺體絕眾阜闢三泉之會竝立而開流傾巖玄映其上蒙形表於自然故因已爲名此雖廬山之一隅實斯地之奇觀皆傳之於舊俗而未覩者眾將由懸瀨險峻人獸迹絕逕迴曲阜路阻行難故罕經焉釋法師已隆安四年仲春之月因詠山水遂杖錫而遊於時交徒同趣三十餘人

咸拂衣晨征、悵然增興、雖林壑幽邃、而間塗競進、雖乘危履石、竝
已所悅爲安、旣至則援木尋葛、歷嶮窮崖、猿臂相引、僅乃造極、於
是擁勝倚巖、詳觀其下、始知七嶺之美、蘊奇於此、雙闕對峙、其前
重巖映帶其後、巒阜周迴、已爲障崇、巖四營而間宇、其中則有石
臺、石池、宮館之象、觸類之形、致可樂也、清泉分流而合注、淥淵鏡
淨於天池、文石發綠、煥若披面、檉松芳草、蔚然光目、其爲神麗、亦
已備矣、斯日也、輒情奔悅、矚覽無厭、遊觀未久、而天氣屢變、霄霧
塵集、則萬象隱形、流光迴照、則眾山倒影、開闔之際、狀有靈焉、而
不可測也、乃其將登、則翔禽拂颺、鳴猿厲響、歸雲迴駕、想羽人之
來儀、哀聲相和、若玄音之有寄、雖髮鬢猶聞、而神目之暢、雖樂不
期歡、而欣目永日、當其神豫自得、信有味焉、而未易言也、退而尋
之、夫崖谷之間、會物無主、應不目情、而間興引人、致深若此、豈不
目虛明、則其照、聞寔驚、其情孤、竝三復斯談、猶昧然未盡、俄而太

陽告夕所存已往乃悟幽人之玄覽達恆物之大情其爲神趣豈山水而已哉於是徘徊崇嶺流目四矚九江如帶上阜成埤因此而推形有巨細智亦宜然迺喟然歎宇宙雖遐古今一契靈鷲絕矣荒途日隔不有哲人風迹誰存應深悟遠慨焉長懷各欣一遇之同歡感良辰之難再情發於中遂其詠之云爾

僊道

鄧處中

處中華佗外孫惠帝時爲少室山應靈洞主號探微真人

華氏中藏經序

華先生諱佗字元化性好恬淡喜味方書多遊名山幽洞往往有所遇一日因酒息於公宜山古洞前忽聞人論療病之法先生訝其異潛逼洞竊聽須臾有人云華生在邇術可付焉復有一人曰道生性貪不憚生靈安得付也先生不覺愈駭躍入洞見二老人

衣木皮頂草冠先生躬趨左右而拜曰適聞賢者論方術遂乃忘歸況濟人之道素所好爲所恨者未遇一法可自施驗徒自不足耳願賢者少察愚誠乞與開悟終身不負恩首坐先生云術亦不惜恐異日與子爲累若無高下無貧富無貴賤不務財賄不憚勞苦矜老恤幼爲急然後可脫此禍先生再拜謝曰賢聖之語一一不敢忘俱能從之二老笑指東洞云石牀上有一書函子自取之速出吾居勿示俗流宜祕密之先生時得書回首已不見老人先生隔怯離洞忽然不見雲奔雨瀉石洞摧塌既覽其方論多奇怪從茲施試效無不存神先生未六旬果爲魏所戮老人之言預有斯驗余迺先生外孫也因弔先生寢室夢先生引余坐語中藏經眞活人法也子可取之勿傳非人余覺驚怖不定遂討先生舊物獲石函一具開之得書一帙迺中藏經也子性拙於用復授次子思因自志其實甲寅秋九月序

華氏中藏經吳勉學刊本
案甲寅元康四年也此序疑道家依託

許邁

邁字叔玄

或作叔齊見御覽四百十引道學論

一名映丹陽句容人後改名玄字

遠游師事南海太守鮑靚學道遍游名山或云仙去

遺王羲之書

自山陰南至臨安多有金堂玉室仙人芝草左元放之徒漢末諸

得道者皆在焉

晉書許邁傳初學記八

鬼神

蘇韶

韶字孝先安平人爲中牟令咸寧初亡

授第九子節書

古昔魏武侯浮於西河而下中流顧謂吳起曰美哉山河之固此魏國之寶也吾性愛好京洛每往來出入瞻視邛山上樂哉乎此萬世之基也北背孟津洋洋之河南望天邑濟濟之盛此志雖未

言銘之於心矣不圖奄忽所懷未果前去十月可速改葬在軍司

墓次買數畝地便自足矣御覽五百五十八百八十三太平廣

牟令卒詔伯父承為南中郎軍司而亡第九子節書目見詔自外

入日吾欲改葬乃授節為書御覽三百七十三又引王隱晉書蘇

猗尼渠餘國王

王未詳

白玉題文

猗尼渠餘國天王敬信遮須夷國天王歲在攝提當相見也晉書

載記聰子約死道遇一國曰猗尼渠餘引約入

宮與皮囊一故及蘇開之有一坊白玉題文曰

管涔王

王管涔山神

劍銘
神劍服御除服毒水經汾水注云劉曜隱於管涔之山夜中忽有

置前甬道而去曰燭視之句
長三尺光澤非常昔有銘云

綏山神

下都陽桓闡教於巫桓闡曰生肉貽我富詢令自食也御覽八百九十二引
苑異

賜進士出身三品銜廣東等處提刑按察使司按察使兼管驛傳事務黃岡王毓藻校刊

全晉文卷一百六十七終